

ایکنجی سنه

نومرو : ۱۱

خزینہ اوراق

تاریخ تاسیسی

۱ مایس سنه ۱۲۹۷



مؤسی

محمود جلال الدین



تاریخ طبع
ونشر

۲۶
مارس
۱۲۹۹

بو رساله ادبیه جمعہ ایرتسی کونلری چیقار

ادمہ عجز و غفلت و جہلی
ایتدیر لر خطا ایچندہ خطا

صیر یلوب روح ظلمت تندن
سوز یلوب ایلدکده عزم وطن
اولزمان حل اولور بوشبہ وطن
بلنور حاصلی ندر معن



بنخلہ کز مہ سودیکم بوخالہ ایلر لر حسد
کرمک ایستر هر کورن اقلیم حسنه بن کبی
قدری بک



اولونیه خاندان زاده لرندن عزتلو ثریا بک افندی نیک
لطفاً کوندردیکی آثار دندر که تیمورلنک کبی بر شہیرک
شمیہ قدر یازلیان ترجمہ حالی متضمندر . قدرت
قلیہ اصحابندن اولان نورسیدہ مشار الیہ دہا بعض
مشاہیرک حاللرینی ترجمہ و تحریر ایتکله یقندہ نشری
مقرردر

تیمورلنک - مابعد

حرکات عسکریہ امیر حسینک نامیلہ اجرا اولتوق و فقط

ترتبات حربیه کندی راینه محول اولق اوزره قرار ویرلدیکی
کبی «آرصف» قصبه سیده طویلانه جق قوتک مرکز
تلاقیسی اعتبار ایدلمشیدی .

تیمور بو قوتله ماوراً النهری کچدیکی زمان هر طرف
ایستر ایستمز کندوسنه عرض تسلیمت ایتمش و آزر آذر
الدن چیقاریلان ممالکی ضبط و استرداده موفق اوله رق
امیر حسینک اقتدار سابقه سنی تأیید ایلشدر .

بو ترتبات و حرکاتک صورت اجراسنی اکمال ایدوبده
مقصد و جدانیسنی یوریده جک بر زمانک حلول ایتدیکنی
اکلادیغی کبی امیر حسینی امر اعلیه نه تشویق وانلریده
کندی لهنه و امیرک علیهنه تسویه باشلادی .

معاملات واقعه بالطبع هر ایکی طرفه بر یوک برودتی
موجب اولدقدن بشقه شرفادن «سیدبرکه» نامنده بر ذات
اقباله متعلق کندوسنه وقوعبولان بشارتی واهدا ایتدیکی
رأیت نصرت آیتی خلقک ده تمایلاتنی دعوت ایتمکه امیرک
علیهنده رأیت کش اختلال اولدیغی وقت هر کسی
کندوسنه مطیع بولشدر .

امیر مشارالیه بو احواله بناء پای نختی اولان «بلخ» دن
فرار و «هندوان» قلعه سته تحصنه ابتدار ایتمکه تیمور
یدیوز یتش بر سته سنده سریر حکمداری به جلوسنی

اعلان و براز صکره امیر حسینی ده طو تدیروب کافه
اولادیلہ برابر اعدام ایتشد ایشته تیمور کچو کلکندن برو
تصور ایتدیکی اقبالک مقدماتی شو صورتله استحصال
ایتدکن صکره ایلک هجومی سمرقندی ضبط ایتک اولدی.
اولوقت سمرقند ماوراً النهرک مرکز سلطنتی صایلدیغندن
تیمورک شو صولت و موفقیتی هر کسه بر بیوک دهشت
ویرمکله امر انک الکچوغی تأیید اتفاقه مسارعت کوستردی.
یالکز حوارزم ملکی حسین صوفی حس رقابتله اعلان
عداوت ایتش و حائز اولدیغی درایت و شهامتله تیمورک
مقاصد جهاندار یسنه بر مدتیجک سد چکمشیدی . متعاقباً
انک وفاتی ویرینه کچان برادری یوسف صوفینک طرفته
عرض تمایل ایتسیله حوارزمیلرامرینه منقاد اولش و بر از
زمان صکره او قطعه بی وچته ملکنی قطعاً زیر اداره سنه
قویمشدر فقط بو حرکاتنده اختیار ایتدیکی ظلم و شدت
تأثیریله اسیا اقوام مختلفه سیله تانارلر اراسنده بر بیوک
ضدیت و منافرت چیقش و هرات حاکی بو حالدن
استفاده ایله اطوار سرکشانه ابرازینه قالدشمشیدی .

تیمور حاکم مر قومی استیصال و فتن و افساداتی رهین
زوال ایتک ایچون هر اته کتدیکی صره ده : تایبار:
قصبه سنه اوغرامش و اوراده مظنه کر آمدن بولنش اولان

زین العابدین ابو بکر تایباری حضرت لرینی یانه ایستمشدی.
 مشار الیه وارمقدن ابا ایتدیکی کبی تیمور درحال حضورینه
 کیرهك استدعای تمنیات حزین ایتمش ایسه ده شیخ مشار
 الیه اکا دعا ایتک دکل سفک دعایه انهما کئی منع ایچون
 بر چوق نصایح مفیده وشدیده بیان ومظالم واقعه سنی
 برر برر کندوسنه اتیان ایتشدر.

تیمورلنک شیخک افاداتنی بر طاقم تأثرات قلبیه ارائه سیله
 دیکله مش ایسه ده متعاقباً سجستان وقندهارایله افغانستانی
 استیلا ایتدیکی صره ده ظلم وشدتنی بک زیاده ارتدیرمش
 ویکلرجه مسلمینی قیروب بتورمشدر مشار الیه بودور
 واستیلایی اکال ایدوبده سمر قنده کلدیکی زمان طوائف
 ملوکک کشمکش اقبال جویانه لریله ایرانک هر جهتی هرج
 ومرج اراسنده قالدیغنی ایشتمکله یته یکیدن عزم وسفره
 مبادرت ایتدی.

ومازندران ایله استرآباد وری طرف لرینی ایلك هجومنده
 الدیغی کبی تبریزده بولنان واولووقتک اعظم ملوککندن
 اولان جلاری سلطان احمد بغدادده فرار ایدرهك او
 جهتلری وتا اذربایجان ونهجویان ایله تفلیس وقارصی
 مشکلاته اوغرامدن زیر خطنه قویدی.

اورالردن کوردستان وارمنستانه ده عزیمت ایتدیکی

کبی هر کس کند و سته مقاومت دکل طلب مرؤت ایچون
 وسائط ارامغه باشلامش و ازرنجان حاکی ظیرالدین بر
 هیئت مخصوصه اعزامیله صداقت و مطاوعتی یلدرمشیدی.
 تیمور خلقي تأمین و کوردستانی بر امارت مستقله
 ایدهرک امرای مشهوره سندن برینی امارته نصب و تعیین
 ایلدکن صکره سلسه دوندی. اوراده قارص حکمداری
 زین العابدینی دعوت و اوده کلکدن مجانبت ایتکله تدارکاتی
 بالاکال اوزرینه اطاله دست تعدی ایلدی. ره راستنده
 اک اول تصادف ایدن اصفهانه واردیغی زمان بر طاقم
 کنچیلرک مقاومتنه اوغرامش و اصفهانه داخل اولان
 عسکرندن اوچ بیک ادم تلف اولمشدر. تیمور عموم خلقلک
 کوستردیکی مطاوعت و مسکنته باقیوب بو مقاومتی
 سر رشته تعدی ایدینه رک قتل عامه فرمان و یردی. هامر
 تار یخنده دیور که اصفهانه مقتول اولان مظالم لرک
 عددی یتش بیکدن متجاوز ایدی حتی خونخوار تاتارلر
 :اوروب اولدرمکن اوصاندیغی کبی اسرانا میله احرار
 مسلمینی صاتمغه باشلادیلر.

شول حالده که یتش قایکدن بر قایکه قدر بر چوق
 ادم صایلوب التدیله .

شیراز خلقي اصفهانلورک دوچار اولدقلری مصیبتی

ایشتمکله تیموری استقباله مسارعت ایتدیلر . و بو صورتله
تاتارلر ایرانک هر طرفه یابلدیلر . تیمور شیرازی کرمانی
سیرجانی ضبط ایله ایستدیکی امرایه تفویض وعجمستانی
تقسیم ایتدکن صکره بیچاره زین العابدینی ده طوتدیروب
کوزلرینه میل چکدیرمش ویدیوز طقسان سنه سنده
سمرقنده عودت ایتشدر .

ایرانده که مشغولیتندن استفاده ایله علام سرکشانه
ابرازینه قالقشان امرایی ورودیله برابر عزل ایله طرفدارلرینی
تعین وهر پرده حکم ونفوذینک جریانی شو صورتله
تأمین ایتدیکی کبی سمرقندک سورینی تحکیم ومشهوراولان
باغ دلکشای ودها برچوق ابنیه عالییه یی تأسیس وتنظیم
ایلدی .

فقط ال مظفر خاندانندن اولوب قاریسی حکمدار لغنی
ادعا ایدن شاه منصورک ایران ایچنده تشکیل جمعیت
ایتدیکنی خبر المغله یته یکیدن فک طناب اقامت وشاه
مشار ایله برنمایش قهر وشدت ارايه سنه مبادرت ایتشدر
او صروده قچاق خانک وقوع تجاوزینی خبر الدیغی انده
اورالرم عزیمت ایدهرک قندراج نام محمله بولدیغی قچاققلوری
پریشان ایتش وتاتارلر سیل مصیبت کبی اطرافه یابلشدر .
تاتارلر دزدان غازیکران کبی پای انداز شامت اولدقلری

یرلری صویدقدن صکره باقش وهردرلو فضایح معتاده لر
 یله بر قاج بیک ادمی محو اباد نسیانه سوروب
 کتورمشدر . تاریخچه صورت مخصوصهده ایراد اولنان
 تعدیاتندر که تیمور بو کیرودار اراسنده خمس نامیله الدیغی
 حصه غارتیدیوز بیک قیون و یوز بیک اسیر ایله سکسان
 بیک خرکله دن عبارت ایدی .

مع مافیه بو معاملات جنکیرانه سنی ینه انتقامنه کافی
 کورمک ایستیوب دشت قچاقه وارمق و قچاق خانلغنی
 بتورمک افکارنده ایدیسهده ایرانده یکیدن باش کوسترن
 شدتلی بر اختلال تبدیل حرکت ویدیوز طقسان درت
 سنه سنده ایرانه حودته مجبور اولمشدر .

ایران ایچنده کی ناره اختلالی اطفا و بند مظفر
 خاندانی امحایه موفق اولدقدن صکره بغداد اوزرندن
 موصل و دیار بکره و اورادن اناتولینک بر قسمته دوکلدی .
 او زمان اناتولی سطوت عثمانی ایله لرزان و سلاجقه
 بقیه سی اوله رق اوتیه بروده تشکل ایدن حکومتلر پریشان
 اولدیغی ایچون محروم مقام و حر یص انتقام اولان برچوق
 امر ا کلوب کندوسنه دخالت ایتدی . — دیرلر که تیمور او
 وقتدنبرو قوه عثمانیه ایله باریشمق و تا ساحله قدر اینک

ایستدیسده عثمانلورک اوراده شہامتلی افکارینہ دہشت
وقفقاسیہ کونردیکی اردوسنک غلبہ سی کندوسنہ
اورالجه یکیدن امید مظفریت ویرمش اولدیغندن
اناطولیدن کوچوب شروانہ واورادن کورجستانہ کچدی.
اورال ذاتاً عسکری طرفندن یاقوب بیقلش وکندوسیدہ
ژہک نام موقعہ بولدیغی قیچاق خانی بوزمش اولدیغندن
قولایلقلہ ہر طرفی ینہ استیلا ایدہرک تامسقوہیہ قدر
ایندی . وروسینہک بر قسمنی ولہستانک جہت جنوبیہ سنی
عسکریتہ غارت ایتدیردی . اورالردن عودت صرہ سندنہ
بر چوق معمورہ لری ویران وقیچاق خان زادہ لرندن برینی
او حکومتہ خان ایتدکن صکرہ غارات ظلیہ وغنام
حریہ سیلہ سمرقندہ کلدی .

بو سفردن صکرہ تیمورلنک ہندستان قطعہ سسنہ
کچہرک بیک درلومز احم تحمل فرسا ایلہ ہمالایہ طاغلرینک
قاراک دینلان ذروہ سسنہ صعود ایلہ مجوسیلری بوزمش
وکوستردیکی حرکات خارقہ ومأثر اعتسافیہ ایلہ ہندستانک
بک چوق یرلری تاتارلرہ جولانکاہ استیلا وکنیدہ تادلہی
ستریتہ قدر پای انداز افت وبلا اولمشدر .

دہلی شہری استیمان ایلہ النمشکن تاتارلر ہر طرفی
خراب ودروندہ بولدقلری احوال نفیسہ بی اورده ایادی

اغتصاب ایتدیلر مشار الیهک بو جولان جهانگیرانه سی
اراسنده کی تلفاتدن بشقه الی باغلو یالکز یوز بیک ادمی
اولدیردیکی کبی بر اولقدیر بنده اسیر الهرق سکز یوز بر
سنه سنده سمرقنده واصل اولشدیر.

(مابعدی وار)



﴿قریم تاریخنندن مابعد﴾

مصطفی نام رشید الوزرا امر مشکل کلور آسان اکا
رأی مقبول مزاج دولت قلی باعث فیض ملت
کلان اوراق پیوردی تصحیح لفظ و تعبیری قیلدی تشریح
بالعلاوه دخی بر ایکی مواد ایلدی اهل عقولی ارشاد
هر عباراتی کتابت حکمت هر رموزاتی نکات عبرت
نسخه سی کتمش ایدی هر دوله کردی تسویدی انک الدن اله
پشم انصاف ایله ایتدکده نظر دیه جک بولمدیلر ذره قدر
صورتی مسقوه بولدقده وصول ایتماشدی اوسیاق اوزره قبول
غرضی اکلاشیلوب بهمه حال بی اساس ایش ایله ایتک اشغال
صلحه رغبت ایدرک ایتکده بر

ینه کندوسی ایشه سکتیه ویرر

باش وکیل نام نسلرود تکرار ایتدی بو وجهله نشر و اشعار
غرضی دولتمک حرب دکل دائما صلح و صلاحه مائل
شو وقوعاته مقصد انجق مذهبی تحت نظامه قویق
حق وار ایمبراطورک دیهرک شو زمیلرده کلام ایلیدرک